

МЫЙ МЕ АДЗЫЛІ И КЫВЛІ

(збыль)

(Съывсьö кыз «Во саду ли, в огороде»)

Пач вом дорын, тімбыльтчöма,
Нывбаба песласьö;
Мужик водзын кага бöрдö,
Ойзö да куснясьö...
- «Эн бöрд, эн бöрд, ичöt нылöй,
Вичко дорö кая:
Вичко дорысь ме тэд ньöба -
Сера тютю вая.
Мамыд какасö мыськалö,
Регыд нёнью сетлас;
Он кө ланьт - öдзöс мöдарö
Кыкнаннымöс вöтлас.»
Кага бöрдö, баба скöрмö -
Вор дорын легöдчö,
Мужик вылö ёрдчö-видчö -
Пинясьны зэлöдчö:
- «Кутшöм лешак тэнö тойис
Сы вылö гöтрасьны
Нэмыс кежлö менö сёйин -
Вöрзьöдін местасьыс...»
Кага видзны сямыд абу -
Тöлькö вой узылыны...
Куим воөн сымда челядь -
Он вермы лыддыны.
Тайö олöм дорысь луттшö
Сизимысь пиявны...
Ак, эськö, лешак чукöрöс,
Ставнытö виявны!»
Баба пузис, ланьтöм оз тöд
Важторьяс кыскалö,
Пеж вор вылö вожасьöма -

Пидзöснас йöткaлö...
Мужик петіс терпенньöысь -
Вом кутіс вöрöдны
- «Ак тэ, вöрса, нем думайттöм
Кутін тай скöрмöдны!
Чуркатö кө унджык ваян -
Унджык лоö челядь...»